



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

Broj:  
Sarajevo, \_\_. \_\_. 2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na \_\_. sjednici održanoj \_\_. \_\_. 2022. godine, primilo je k znanju

Informaciju o realizaciji projekta rekonstrukcije i adaptacije objekta bivše zgrade SDK kod Vječne vatre

**PREDSJEDAVAJUĆI GRADSKOG VIJEĆA**

**Jasmin Ademović**





**Grad Sarajevo**  
**City of Sarajevo**

**Bosna i Hercegovina**  
**Federacija Bosne i Hercegovine**  
**Kanton Sarajevo**  
**Grad Sarajevo**  
**GRADONAČELNICA**

**INFORMACIJA**  
**O REALIZACIJI PROJEKTA REKONSTRUKCIJA I ADAPTACIJA**  
**OBJEKTA BIVŠE ZGRADE SDK KOD VJEČNE VATRE**

**Predlagač:** Gradonačelnica

**Obrađivač:** Služba za urbano planiranje,  
investicije, stambene i  
komunalne poslove

**Sarajevo, maj 2022. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



Objekat bivše zgrade SDK kod Vječne vatre nalazi se u obuhvatu nacionalnog spomenika Historijski urbani krajolik Sarajeva („Službeni glasnik BiH“, broj 1/21).

Objekat je izgrađen 1893. godine, a otvoren je 1895. godine. Projektanti su Karlo Paržik i Josip Vancaš. Pročelje zgrade je građeno u duhu rane renesanse. Ispred pročelja zgrade se nalazi Spomen obilježje Vječna vatra koja je upaljena 1946. godine, kao spomenik oslobodiocima Sarajeva i žrtvama fašizma koji su pali u II svjetskom ratu.

U februaru 2021. godine raspisan je međunarodni tender za izradu Glavnog projekta obnove objekta sa istražnim radovima, kao preduslova za pribavljanje potrebnih saglasnosti i dozvola te izvođenja radova. Tenderom su definisane radnje kroz tri etape:

1. Prethodni istražni radovi
2. Idejni projekat koji se daje na odobrenje Investitoru
3. Glavni projekat sa svim neophodnim fazama

Nakon provedene tenderske procedure odabran je konzorcij firmi: „Arhiplus“ d.o.o. Mostar (lider konzorcija), „Habitat“ d.o.o. Mostar i „Urbing“ d.o.o. Sarajevo, sa kojima je Grad Sarajevo 12.05.2021. godine zaključio Ugovor o izradi Glavnog projekta rekonstrukcije i adaptacije bivše zgrade SDK kod Vječne vatre u Sarajevu u iznosu od 457.470,00 KM sa PDV-om. Ugovoreni rok izvođenja usluge je 180 kalendarskih dana.

Gradsko vijeće Grada Sarajeva, na sjednici održanoj 29.09.2021. godine, donijelo je Odluku o davanju saglasnosti za pokretanje postupka sporazumnog raskida ugovora o izradi Glavnog projekta rekonstrukcije i adaptacije objekta bivše zgrade SDK kod Vječne vatre u Sarajevo („Službene novine Kantona Sarajevo“, broj 41/21). Navedena odluka je donesena iz razloga što je Gradsko vijeće izrazilo opredjeljenost da se gradske službe iz objekta bivše SDK vrata u zgradu DPO.

Sredstva koja bi Grad Sarajevo trebao izmiriti u slučaju sporazumnog raskida predstavljaju ekonomski neopravdan izdatak koji ne rezultira pribavljanjem bilo kojeg vida finaliziranog dokumenta čija bi buduća primjena bila moguća i opravdala utrošak, te je Gradsko vijeće Grada Sarajeva na sjednici održanoj 04.11.2021. godine donijelo Odluku o stavljanju van snage saglasnost za pokretanje postupka sporazumnog raskida ugovora o izradi Glavnog projekta rekonstrukcije i adaptacije objekta bivše zgrade SDK kod Vječne vatre u Sarajevo („Službene novine Kantona Sarajevo“, broj 46/21).

Shodno navedenom i opredjeljenju za nastavak izrade Glavnog projekta, Grad Sarajevo podnio je 18.11.2021. godine zahtjev Federalnom ministarstvu prostornog uređenja za dobivanje saglasnosti za obavljanje prethodnih radova istražnog karaktera na nacionalnom spomeniku, bivša zgrada SDK, kao preduslov za izradu Idejnog i Glavnog projekta.

Dana 25.04.2022. godine Federalno ministarstvo prostornog uređenja izdalo je Saglasnost za obavljanje prethodnih radova istražnog karaktera, čime su se stekli uslovi za izvođenje istražnih radova u cilju nastavka izrade projektne dokumentacije.

Shodno ugovorenoj dinamici, završetak izrade Glavnog projekta se očekuje krajem 2022. godine.